




Literatura den Bon Dia

Ernesto E. Rosenstand



TUR COS A KEDA ATRAS

Ma con cu a para poco poco el a bin custumbra. Doternan a dun'e remedi pa e por a surpasa e periodo aki. Y pa e keda leu di bibida. Y berdad esaki tabata funcionando. Esaki tabata mas importante. Y esaki mes a haci cu bida a cuminsa drecha na cas. A cuminsa bira poco normal.

Te asta traha el a bai traha. Esaki mes tabata un caminda di cruz. Dor di cu e tabatin asina hopi tempo sin traha no tabata asina facil cuminsa cu e rutina nobo aki. Ma mester bisa si cu maske a cost'e hopi esfuerso tog el a surpasa tur esaki y tabata cumpli cu su trabou cabalmente. E tabata muestra su bon voluntad.

Ma parce cu Josefa no por a haya felicidad. Poco tempo despues cu Calixto a bira bon y a laga bibida su mama a muri. Inesperadamente el a bai. Afortunadamente e no a sufri. El a muri manera el a biba; keto. Den su soño. Un morto felis. Josefa y Carmen a yor'e hopi.

Den su bida miserabel semper e tabata dispuesto pa yuda. Semper bo por a yega cerca dje cu bo dificultadnan. Y con cu e por a haci semper e tabatin solucion pa nan. Pa nan e tabata un berdadero santo. Un hende cu un curason yen di bondad. Cla pa yuda unda cu e tabata por.

Nan a der'e masha keto. Sin ningun buya. Keto manera el a biba. El a worde dera den un huki di santana. Tur scondi. Ora di baha e caha den e tera friu Carmen a sinti un dolo masha grandi. Tabata parce cu ta un pida di su mes nan tabata dera. Su miho parti.

E tabata stima su wela masha hopi. El a desea di por a der'e den un graf bunita manera tabatin hopi den santana. Ma esaki tabata imposibel. Un pover su luga den santanan ta stof, tera friedad. E no mester soña cu keldernan bunita. Algo cu no por ser realisa. Y pensando tur esaki el a reacciona den su mes.

- Ki bal bo biba bon si bo ta keda pover. Na mundo loke ta manda ta placa y nada mas. Te asta aki den santana bo por ripara esei. Maske morto ta mescos pa tur hende tog aki den bo tabata ripara e diferencia

Ma atrobe el a bisa den su mes:

- Ta co'i loco mi ta pensa no bal nada unda bo bai dera, tur parti siete pia bou tera semper ta algo cu no ta pasa tur dia. Y no ta algo pa chansa tampoco. Tur aki na mundo ta vanidad. Solamente vanidad. Grandesa di morto ta cu e ta iguala tur hende. E no ta pone diferencia entre pover cu rico.

Y pensando esaki e no a ripara cu tur hende a bai nan cas caba. E cu su mama y Calixto a keda atras.

cu nan kier a haci p'e.

Y ora nan a bin haya nan so nan a ripara cu riba e santo di e graf tabatin un krans masha bunita mes. Den nan dolor nan no a ripara ki ora nan a pone, ni ken a haci esei. E tabata mas bunita cu tur e otronan, maske mester bisa cu no tabatin di e hopi ei tampoco. Ma den esunnan cu tabatin e tabata surpasa pa su grandura y bunitesa.

Casi pareu nan a pensa

- - Di ken e por ta?

Carmen a sospecha mesora di ken e por ta, ma no a bisa nada. Den su verdriet el a sinti atrobe cu algo a bolbe bin haltu. Ma mes ora el a purba kit'e fo'i su mente. Calixto a zak mira di ken e ta, ma e no a mira ningun number. Esaki mes tabata algo straño Riba e krans tabata skirbi: Di un amigo! Mas nada!

Ora Carmen a tende e tres palabranan aki el a pensa mesora riba Juan. No tabatin ningun duda. E no tabatin ningun otro amigo cu por a manda un krans asina bunita. Mesora Carmen a compronde cu di e manera aki Juan tabata busca acercamento atrobe.

- Ma con por ta posibel? Ainda e no a compronde e mensahe cu Carmen a dun'e banda di lama algun tempo pasa? Ainda e tabata insisti? Anto net na e momentonan aki
- Di ken e ta? E mama a puntra.
- Mi no sa. Di un amigo, n' t'esei papa a caba di bisa? Tabata e contesta seco cu Carmen por a duna. Ma Josefa a compronde cu ei tras mester tin mas. E no kier a sigui. Mas despues lo a bai tende kico ta kico. E tabata convenci cu Carmen tabata sa mas di e asunto aki y cu e no kier a duna boca.

Despues di a resa poco pa descanso di alma di e defunto nan a bai cas. Cada un cu nan pensamiento. Carmen tabata tur bruha despues cu el a mira e krans di "un amigo." Y di kende e tabata completamente sigur ken e tabata.

Atrobe Juan a presenta den su mente Y esaki a cuminsa molestie atrobe. E tabata sa cu esei tabata e intencion di Juan. Cueste loke cueste e tabata kier a konkist'e.

Den tur e opensamentonan aki el a bin realisa cu awor cu e wela no t'ei e no por keda biba so. E mester busca un solucion lo mas pronto posibel. Y p'esei el a puntra:

- Y awor kico lo mi haci?
- Bo ta pensando leu, e mama a bis'e.
- No, no di e leu ei tampoco. Pensa mi tabata pensa kico lo mi haci awo cu madu no t'ei mas.
- Bo por bin cerca nos, e mama a bisa.
- Ma ta kere cu esei lo por ta e solucion.

Despues cu tur hende a sali fo'i santana nan tres a keda atras pa resa pa sosiego di su alma. Esei tabata delaster cos